



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vsvardi Martyrologivm

Usuardus <Sangermanensis>

Lovanii, 1573

In Eximivm D. Ioan. Molanvm, Petri Bacherii, S. T. P. Carmen.

urn:nbn:de:hbz:466:1-42790

IN EXIMIVM D. IOAN. MO-
LANVM, PETRI BACHERII,
S. T. P.

Carmen.

Diuum reliquias, & Belgicanomina bustis
eruis, ingrato nomina pressa situ.
Est aliquid cineres, & frigida gramine saxa
spargere odorato, virgineisque rosis.
Sed plus est dotes animi, praeclearaque facta
scribere, & egregios tollere in astra viros.
At superi, (quorum virtus, & nomina crescunt,
& rutilant, calamo doctè Molane tuo.)
Munera pro meritis olim sat magna vicissim
reddent. Post cineres hunc reor esse diem.
Quin etiam cordati omnes, ac posthuma fama,
te referent Belgis consuluisse tuis.
Dum promissis Belgis Belgarum exempla priorum,
& struis admotà frigida corda face.
Quantum Hanones, Flandriq; tibi, ditesque Brabantii,
& debet quantum terra Batava tibi.
Quorum maiores, qui cedro digna locuti
quive suos vita commonuere pia,
Afferis à tenebris, & aperto lumine donas:
tæda sub obscuro ne lateat modio.
Te scribente pij rutilant in imagine Diui,
atque nouus pictis stat nitor in tabulis.
Te scribente pij surgunt de carcere, & umbris,
nec sinis inuiso tanta perire situ
Nomina. Sed quo te studijs pro talibus ornem
carmine, Smyrnaeis digne Molane modis?
Si votum accipiunt Superi, pete serius Olympum
ac umbras inter connumerère pias.

INDL